

Newspaper	UTUSAN MALAYSIA
Date	17 MAY 2016

## Dr. M seperti berminat jadi calon

WM - 17/5/2016

**MELAKA 16 Mei** - Tindakan Tun Dr. Mahathir Mohamad (Tun M) sejak akhir-akhir ini dilihat seperti berminat untuk menjadi calon dan seolah-olah menawarkan diri sendiri sebagai calon parti pembangkang dalam Pilihan Raya Kecil (PRK) Parlimen Kuala Kangsar, Perak dan Sungai Besar, Selangor, bulan depan.

Ketua Menteri, Datuk Seri Idris Haron berkata, beliau menganggap kenyataan oleh bekas Perdana Menteri ketika menghadiri perhimpunan anjuran pakatan pembangkang di Stadium Malawati, Shah Alam baru-baru ini agar pakatan itu bekerja keras menewaskan Barisan Nasional (BN), jelas menunjukkan beliau berminat menjadi calon.

“Saya membaca dan mendengar ucapan-ucapannya, memberitahu satu-satunya calon yang boleh mengalahkan BN dalam PRK ini adalah Tun M dan nampak macam seolah-olah beliau minat sangat hendak menjadi calon bagi pihak pembangkang,” katanya.

Beliau berkata demikian ketika diminta mengulas saranan Tun M kepada pakatan pembangkang itu di Ayer Keroh di sini hari ini.